



სსიპ
ბავშვთა და ახალგაზრდობის ეროვნული ცენტრი

თბილისი



13/07/2018

18-07-4-201807132257

ბ რ ძ ა ნ ე ბ ა N 18

პროგრამა „მომავლის ბანაკის“ ფარგლებში
„შაორის მომავლის ბანაკის“ შინაგანაწესის
დამტკიცების თაობაზე

2017 წლის 20 იანვრის #01/105 ბრძანებით დამტკიცებული, საქართველოს განათლებისა და მეცნიერების სამინისტროს სსიპ - ბავშვთა და ახალგაზრდობის ეროვნული ცენტრის დებულების მე-3 მუხლის მე-2 პუნქტის „თ“ ქვეპუნქტის საფუძველზე,

ვ ბ რ ძ ა ნ ე ბ ა:

1. დამტკიცდეს, წინამდებარე ბრძანებაზე თანდართული, პროგრამა „მომავლის ბანაკის“ ფარგლებში „შაორის მომავლის ბანაკის“ შინაგანაწესი;
2. ძალადაკარგულად გამოცხადდეს სსიპ - ბავშვთა და ახალგაზრდობის ეროვნული ცენტრის უფროსის 2017 წლის 7 ივლისის #03-პ ბრძანება;
3. დაეცალოს სსიპ - ბავშვთა და ახალგაზრდობის ეროვნული ცენტრის ადმინისტრაციული დეპარტამენტის ადამიანური რესურსების მართვისა და საქმისწარმოების სამსახურს წინამდებარე ბრძანებისა და შინაგანაწესის უფლებამოსილი სამსახურებისა და დაინტერესებული პირებისათვის კანონით დადგენილი წესით გაცნობა;
4. კონტროლს ბრძანების განხორციელებაზე განვახორციელებ პირადად;
5. წინამდებარე ბრძანება მისი გაცნობიდან ერთი თვის ვადაში შეიძლება გასაჩივრდეს საქართველოს განათლებისა და მეცნიერების სამინისტროში (მის: ქ. თბილისი, დიმიტრი უზნაძის ქ.# 52);
6. ბრძანება ძალაშია ხელმოწერისთანავე.

გიგა გაბელაია

ცენტრის უფროსი

A handwritten signature in blue ink, appearing to be 'გიგა გაბელაია' (Giga Gabelaya), written in a cursive style.

**შაორის ტბის მიმდებარე ტერიტორიაზე პროგრამა
„მომავლის ბანაკის“ ფარგლებში „შაორის
მომავლის ბანაკის“ შინაგანაწესი**

1. ზოგადი დებულებები

პროგრამა განხორციელების ადგილია ამბროლაურის მუნიციპალიტეტი, შაორის ტბის მიმდებარე ტერიტორია. წინამდებარე შინაგანაწესით დადგენილი წესების დაცვა სავალდებულოა პროგრამაში მონაწილე ყველა პირისთვის და ამ წესების დარღვევა ითვალისწინებს ბენეფიციარის, ლიდერის ან სხვა ნებისმიერი პირის დათხოვნას ბანაკიდან. ბანაკიდან დათხოვნა ხორციელდება ბანაკის ხელმძღვანელის წარდგინებით, ცენტრის უფროსის გადაწყვეტილების საფუძველზე.


2. სპეციალური წესები

2.1. პროგრამა „მომავლის ბანაკის“ მიმდინარეობის პერიოდში, შაორის „მომავლის ბანაკის“ ტერიტორიაზე დაუშვებელია:

- ალკოჰოლის შეტანა და მოხმარება;
- ბანაკის ტერიტორიაზე ალკოჰოლური თრობის მდგომარეობაში ყოფნა;
- ცივი იარაღის შეტანა;
- მედიკამენტების შეტანა, გარდა ექიმის დანიშნულებით გათვალისწინებული საშუალებებისა, სპეციალური ფორმის (დანიშნულების ფურცლის) თანხლებით;
- თამბაქოს მოხმარება, სპეციალურად გამოყოფილი ადგილების გარდა;
- ბანაკის კვების რაციონით გათვალისწინებული მენიუს გარდა სხვა საკვების მიღება;
- ბენეფიციარებისა და ლიდერების მიერ ბანაკის ტერიტორიის დატოვება, გარდა გადაუდებელი სამედიცინო აუცილებლობისა; ბენეფიციარს შეუძლია ბანაკის ტერიტორიის დატოვება ბანაკის ხელმძღვანელისადმი განცხადებით მიმართვის საფუძველზე;
- ბანაკის ინფრასტრუქტურისა და ინვენტარის დაზიანება/განადგურება;
- საცხოვრებელი კოტეჯის დატოვება ღამის 12 საათიდან დილის 8 საათამდე, გარდა აუცილებელი საჭიროებებისა (იგულისხმება საპირფარეშოსა და საშხაპეში გასვლა, სამედიცინო დახმარება). ამასთანავე, მკაცრად აკრძალულია ლიდერების მიერ აღნიშნული წესის დაცვის უზრუნველყოფის მიზნით მონაწილეთა კოტეჯების გარედან ჩაკეტვა;

2.2 პროგრამის მონაწილეთა უსაფრთხოების უზრუნველყოფის მიზნით, აგრეთვე ბანაკის ტერიტორიაზე აკრძალული ნივთების შეტანის თავიდან ასაცილებლად, დასაშვებია დანიშნულების ადგილზე ჩასვლის შემდგომ, რეგისტრაციის გავლამდე, საამისოდ უფლებამოსილი დაცვის სამსახურის თანამშრომლის მიერ ბენეფიციართა გარეგანი დათვალიერება (დაცვის თანამშრომელი უნდა იყოს იმავე სქესის, რომელი სქესისაც არის ბენეფიციარი), ასევე მათ ხელთ არსებული ნივთების (ზურგჩანთა, ჩემოდანი და სხვ.) დათვალიერება, რის შესახებაც ბენეფიციარებს წინასწარ ეცნობებათ.

ბანაკის სტრუქტურა



- ბანაკის ხელმძღვანელი:**
 ბანაკის ხელმძღვანელი პასუხისმგებელია ბანაკის უსაფრთხო და სრულფასოვან ფუნქციონირებაზე. განსაზღვრავს ბანაკის ინფრასტრუქტურულ და ტექნიკურ საჭიროებებს და ახორციელებს მიმდინარე პრობლემების აღმოფხვრაზე კონტროლს; აწარმოებს საჭირო კორესპონდენციას; მონიტორინგს უწევს ბანაკში მომუშავე პერსონალის სამსახურებრივი მოვალეობების შესრულებას. საჭიროების შემთხვევაში ახორციელებს მოლაპარაკებებს სხვადასხვა უწყების წარმომადგენლებთან.
- პროგრამული კოორდინატორი:**
 პროგრამული კუთხით მონიტორინგს უწევს კოორდინატორებისა და ლიდერების საქმიანობას; უზრუნველყოფს პროგრამით გათვალისწინებული აქტივობების დროულად გამართვას; ზედამხედველობას უწევს ლიდერებს, სპორტულ და მუსიკალურ კოორდინატორებს; აწარმოებს ლიდერებსა და აიტი-ბლოგერზე მონიტორინგს.
- აიტი-ბლოგერი:**
 უზრუნველყოფს ადმინისტრაციისა და პროგრამული ნაწილისთვის განსაზღვრული ტექნიკის გამართულ მუშაობას; აკონტროლებს ინტერნეტმომსახურების ხარისხს,

უზრუნველყოფს პროგრამით გათვალისწინებული აქტივობების ფოტო და ვიდეო გადაღებას.

- **მუსიკალური კოორდინატორი:**
უზრუნველყოფს პროგრამით გათვალისწინებული ღონისძიებებისა და დღის წესრიგით გათვალისწინებულ აუცილებელ მუსიკალურ გაფორმებას.
- **სპორტული კოორდინატორი:**
უზრუნველყოფს პროგრამით გათვალისწინებული ოლიმპიადისა და სპორტული აქტივობების სრულფასოვან განხორციელებას.
- **ლიდერების კოორდინატორი:**
უზრუნველყოფს ყოველ ნაკადზე 12 ლიდერის ზედამხედველობას; მონიტორინგს უწევს პროგრამული ნაწილის სრულფასოვან განხორციელებას.
- **კვების ექსპერტი:**
უზრუნველყოფს და მეთვალყურეობს ბანაკის სასადილო ბლოკის გამართულ მუშაობას და სანიტარულ-ჰიგიენური ნორმების დაცვას.
- **ლიდერები:**
ლიდერებს ევალებათ ბენეფიციართა ზედამხედველობა; ბანაკის პროგრამული ნაწილის შესრულების უზრუნველყოფა; მონაწილეებისა და ზოგადი უსაფრთხოების ზომების დაცვა; პრობლემების დროულად აღმოფხვრის მიზნით ხელმძღვანელობის დროული ინფორმირება.

3. ბანაკის დღის განრიგი

09:00 - 09:25 – გაღვიძება/მოწესრიგება
09:25-09:45 – დილის გამამხნევებელი ვარჯიში
09:45-10:00 – დილის ხაზი
10:00-11:00 – საუზმე
11:00-11:15 – მობილიზება ტრენინგისთვის
11:15-12:45 – ტრენინგი
12:45-14:15 – აქტივობისთვის მოსამზადებელი დრო
14:15-14:30 – მობილიზება სადილისთვის
14:30-15:30 – სადილი
15:30-16:30 – თავისუფალი დრო
16:30-17:30 – აქტივობისთვის მოსამზადებელი დრო
17:30-18:00 – სამხარი
18:00-18:10 – მობილიზება სპორტული აქტივობისთვის

18:10-20:00 – სპორტული აქტივობა - გუნდური შეჯიბრებები
20:00-20:30 – მობილიზება ვახშმისთვის
20:30-21:30 – ვახშამი
21:30-22:00 – მობილიზება სადამოს ღონისძიებისთვის
22:00-23:45 – სადამოს ღონისძიება
00:00-00:30 – რეფლექსია
01:00 –ძილი

რეკომენდაციები ბანაკში უსაფრთხოების ზომებთან დაკავშირებით:

1. ზოგადი უსაფრთხოება

- მონაწილეების ჩამოსვლამდე უნდა მოხდეს ბანაკის ტერიტორიის დეტალური შესწავლა, რათა გამოვლინდეს საფრთხის შემცველი ელემენტები (მოფარებული ადგილები, სადაც შესაძლოა მოხდეს კონფლიქტები; სარდაფები, გაშიშვლებული მავთულები ან ელექტრო ჩამრთველები ოთახებში, მორყეული ავეჯი, კიბის მოაჯირების სიმყარე და სხვა);
- ყოველ ახალ ნაკადზე ბენეფიციარები აუცილებლად უნდა გაეცნონ ბანაკის შინაგანაწესს და გაფრთხილებულ იქნენ შინაგანაწესის დარღვევის შესაძლო შედეგების თაობაზე. ასევე უნდა ეცნობოთ მათი გარეგანი დათვალიერებისა და მათ ხელთ არსებული ნივთების (ზურგჩანთა, ჩემოდანი და სხვ.) დათვალიერების შესახებ;
- ბანაკში ზოგადი უსაფრთხოების გარანტი არის გამართული და საინტერესო პროგრამა. იმ შემთხვევაში, თუ პროგრამა არ მუშაობს რომელიმე კონკრეტულ ჯგუფზე, მონაწილეები არ არიან დაინტერესებულნი და მოტივირებულნი, აუცილებელია მისი ადაპტირება, სხვა შემთხვევაში ეს გამოიწვევს გამოიწვევს დისციპლინის და უსაფრთხოების წესების დარღვევას;

2. სპორტული და ღია ცის ქვეშ აქტივობების უსაფრთხოების წესები:

- ის ადგილი, სადაც ტარდება ამგვარი აქტივობები, სასურველია, დაფარული იყოს ბალახით;
- განსაკუთრებით უხემ ზედაპირზე (ბეტონზე, ქვა-ღორღზე) თამაშების ჩატარება, რომლებიც დაკავშირებულია ფიზიკურ აქტიურობასთან, შეიცავს ტრავმების განსაკუთრებით მაღალ რისკს;
- ყველა ამგვარი აქტივობის შესახებ ინფორმირებული უნდა იყოს ბანაკის ექიმი, რათა საჭიროების შემთხვევაში დროულად მოახდინოს სათანადო რეაგირება;

3. სამედიცინო უსაფრთხოება:

- სასურველია, მოხდეს ბენეფიციარებისთვის იმ საკვების დროებით ჩამორთმევა, რომელიც მათ თან ჩამოიტანეს ბანაკში. ხშირად ამგვარი საკვები მოწამლვის მიზეზი ხდება (თუმცა გასათვალისწინებელია განსაკუთრებული საჭიროებები – დიეტა და სხვა). საკვები უნდა განთავსდეს დაცულ ადგილას შესაბამის პირობებში, რათა ბანაკის შემდგომ ხელუხლებელ მდგომარეობაში გადაეცეს მფლობელს;
- აუცილებელია გამოვართვათ ბენეფიციარებს მათ მიერ ბანაკში ჩამოტანილი მედიკამენტები, ერთმანეთისგან განცალკევებით დავაფასოთ, დავაწეროთ სახელები და ბანაკის ბოლომდე ჩავაბაროთ ბანაკის ექიმს. ხშირად ბავშვები ერთმანეთს ასმევენ

წამლებს, რომელთა მიღებაც, შესაძლოა, არ იყოს მიზანშეწონილი (გამონაკლისი უნდა იყოს ქრონიკული დაავადებების მქონდე ბენეფიციარები, რომლებიც მუდმივად მკურნალობენ და თან ატარებენ საჭირო მედიკამენტებს);

- ყველა პირს, გარდა ბანაკის ექიმისა, უნდა აეკრძალოს მედიკამენტის მიცემა ბენეფიციარებისთვის. წამლებზე ალერგიას შეუძლია გამოიწვიოს ანაფილაქსიური შოკი, რომელიც სერიოზული რისკის ქვეშ აყენებს ადამიანის ჯანმრთელობას;
- ყველა ლიდერი უნდა იყოს გაფრთხილებული, რომ დაუყოვნებლივ აცნობოს ბანაკის ადმინისტრაციას რომელიმე ბენეფიციარის ჯანმრთელობის მდგომარეობის გაუარესების შესახებ.

4. ფორსმაჟორი:

- ფორსმაჟორად ითვლება ისეთი მოვლენები, როგორცაა: ბუნებრივი მოვლენები, სტიქიები (ხანძარი, წყალდიდობა, ქარბუქი, შტორმი და ა.შ.), ეპიდემია, საომარი მდგომარეობა და ა.შ.
- ნებისმიერი ზემოჩამოთვლილი შემთხვევისათვის ბანაკის ხელმძღვანელობას უნდა ჰქონდეს ამგვარ გარემოებებში ბანაკის უსაფრთხოების დაცვისა და, საჭიროების შემთხვევაში მისი ევაკუაციის დეტალური გეგმა სამაშველო სამსახურთან შეთანხმებით და მათი მითითებით (სად შეიძლება გადავიდეს ბანაკი, როგორ, რა სატრანსპორტო საშუალებებით, რომელ სამსახურს უნდა მიმართოს, რა ვადებში არის ამ სამუშაოს შესრულება შესაძლებელი და სხვა). ბანაკის ხელმძღვანელმა უნდა უზრუნველყოს ამ ინფორმაციის ბანაკის ადმინისტრაციისთვის, ასევე ლიდერებისთვის გადაცემა და შესრულებაზე კონტროლი.